



Ministry of Civil Affairs

Broj: 14-16-3-17-4/23

Sarajevo, 22.11.2023. godine

Na osnovu člana 70. Zakona o javnim nabavkama BiH (Službeni glasnik BiH broj 39/14 i 59/22), ministrica civilnih poslova Bosne i Hercegovine donosi:

O D L U K U

o izboru najpovoljnijeg ponuđača

I

Najpovoljniji ponuđač u postupku javne nabavke usluga unapređenja i nadogradnje aplikacije za obradu podataka iz oblasti državljanstva objavljenom na web portalu Agencije za javne nabavke BiH, broj obavještenja: 121-7-2-108-3-50/23 od 23.10.2023. godine, koji je proveden u skladu sa procedurom konkurentskog zahtjeva za dostavu ponuda je BITE d.o.o. Tuzla.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke za 2023. godinu je konstatovala da je rok za dostavu ponuda 14.11.2023. godine do 11:00 sati, te da su do navedenog roka na protokol Ministarstva civilnih poslova Bosne i Hercegovine pristigle dvije ponuda i to ponuđača: KI sistemi d.o.o. Prijedor i BITE d.o.o. Tuzla. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuđači KI sistemi d.o.o. Prijedor i BITE d.o.o. Tuzla su kvalifikovani, te su njihove ponude ocijenjene kao prihvatljive, dostavljeni su svi traženi dokazi propisani tenderskom dokumentacijom, na propisan način.

Analizom ponuda, primjenom kriterija najniža cijena, nakon okončane e-aukcije, Komisija je utvrdila sljedeće:

Najpovoljnija je ponuda ponuđača BITE d.o.o. Tuzla sa ukupnom cijenom 25.000,00 KM bez PDV-a, odnosno 29.250,00 KM sa PDV-om. Obzirom da ista u ekonomskom i tehničkom

smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije za nabavke za 2023. godinu, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili mu je mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

MINISTRICA



dr. sc. Dubravka Bošnjak

Dostavljeno:

1. Ponuđačima - elektronski
2. Web stranica Ministarstva – na objavu
3. a/a